

Escrito por Alvaro Peralta
Martes, 15 Marzo 2011 23:24



Mobilizar a poboación para derrogar a Lei de Augas de Galicia "que abre as portas á privatización deste ben esencial" é o obxectivo da plataforma que convoca ao acto público do próximo domingo 20 de marzo ás 12 horas, na Alameda de Santiago de Compostela, anunciou a especialista Lidia Senra membro do Sindicato Labrego do Campo. Senra sinalou que a Lei transfire tódalas potestades dos organismo autonómicos a unha empresa pública pero regulada polo dereito privado, unha porta aberta a futuros intentos de capitalización privada e privatización da auga. Nunha xuntanza organizada pola plataforma SOS GROBA, na Aula de Cultura Ponte de Rosas, sede do IEM (Gondomar), Senra afirmou que a familia tipo galega pagará con esta lei unha media de 9,78€ mensuais.

Afectación e custo por vivenda da auga.

"Todas as vivendas terán que pagar o canon da auga", afirma Lidia Senra. E o canon non distingue que "sexa traída municipal, da comunidade de veciños, ou particular; proceda de pozo, manantial ou de choiva", asegurou a especialista. No caso de traídas municipais ou de empresas subministradoras, pagarase a maiores o prezo do subministro e o da depuración. As familias numerosas terán un desconto do 50% no canon.

O cálculo para determinar o canon a pagar debe ter en conta dous tipos de valores. Unha cota fixa de 1.50€ por persoa ao mes e unha variable por tramos de consumo. Esa parte variable calcúlase dos seguintes valores: de 0 a 2 m³ = 0€, de 2 a 4 m³ = 0,28€/m³, de 4 a 8 m³ = 0,36 €/m³, máis de 8 m³ = 0,41 €/m³. O Instituto Nacional de Estatística (INE) informa que o consumo de media en Galicia é de 4,29 m³ por persoa ao mes. Deste dato despréndese para unha familia tipo de 3 persoas unha cota mensual de 9,78 €.

Qué sucede coa xestión e control da auga?

Segundo o informe brindado por Senra, a lei traspasa todas as competencias en materia de augas que ten Galicia a unha empresa "Augas de Galicia" que funciona segundo o dereito privado e é xuridicamente unha S.A., convertendo a esta empresa na "administración única e

Escrito por Alvaro Peralta
Martes, 15 Marzo 2011 23:24

ordinaria da política de augas en Galicia, dándolle todas as competencias que nesta materia lle corresponde á Administración da Comunidade Autónoma. "

Un auditorio próximo ao centenar de persoas, nas que se encontraban dirixentes das comunidades de montes do Val Miñor, presidentes das comunidades veciñais de augas, concelleiros municipais, e integrantes de diversos colectivos socios da bisbarra, recibiu a invitación da Plataforma Galega contra a Lei de Augas para formar plataformas locais que traballen de xeito coordinado coa nacional, a prol de buscar a derogación da lei 9-2010 de Augas de Galicia, que "converte este elemento esencial de ben público a mercadoría".